



AN COIMISIÚN
EORPACH

An Bhruiséil, 14.9.2016
COM(2016) 589 final

2016/0287 (COD)

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

**lena leasaítear Rialacháin (AE) Uimh. 1316/2013 agus (AE) Uimh. 283/2014 maidir le
nascacht idirlín a chur chun cinn i bpobail áitiúla**

(Téacs atá ábhartha maidir leis an LEE)

MEABHRÁN MÍNIÚCHÁIN

1. COMHTHÉACS AN TOGRA

• Cúiseanna agus cuspóirí an togra

Sa phacáiste nua teileachumarsáide a ghlac an Coimisiún inniu tá Teachtaireacht ón gCoimisiún ina leagtar amach fíis Eorpach maidir le nascacht idirlín do shaoránaigh agus do lucht gnó sa Mhargadh Aonair Digiteach¹. Ina theannta sin, tá togra reachtach ann le haghaidh Cód Eorpach maidir le Cumarsáid Leictreonach² lena ndéantar an creat rialála maidir le cumarsáid leictreonach a athbhreithniú. Sna tograí ón gCoimisiún, leagtar amach na hathchóirithe is gá chun a áirithiú go mbeidh fáil ar líonraí an-ardtoillte agus go mbainfear úsáid astu chun go mbeidh an pobal i gcoitinne ábalta teacht ar tháirgí, ar sheirbhísí agus ar fheidhmchláir sa Mhargadh Aonair Digiteach.

I ngeall ar an athrú ó bhonn atá tagtha ar shaol príobháideach an duine agus ar chleachtais oibre laistigh den Aontas agus lasmuigh de, a bhuí sin leis an idirlíon agus le nascacht dhigiteach, is gá a áirithiú go spreagtar an pobal i gcoitinne chun na deiseanna atá ar fáil dóibh, dá bharr, a thapú.

Ar an ábhar sin, ceann de na haidhmeanna straitéiseacha atá ag an gCoimisiún don Aontas, ceann is gá a bhaint amach faoi 2025, go mbeidh naisc idirlín ghigighiotán ag na hionaid ina gcuirtear seirbhísí poiblí ar fáil, amhail riaracháin phoiblí, leabharlanna agus ospidéal. Maidir leis na hionaid sin agus ionaid eile ina dtagann an pobal le chéile, lena n-áirítear ionaid amuigh faoin aer ar a bhfuil rochtain ag an bpobal i gcoitinne, má nasctar iad ag luasanna atá go mór os cionn rochtain idirlín fheidhmiúil, cuirfear ar chumas gach saoránaigh, de gach aicme, leas a bhaint as nascacht a bheidh ann amach anseo agus iad i mbun taistil, in áiteanna ar den riachtanas é a bheith nasctha.

Ar na bearta atá ceaptha chun tacú leis an aidhm sin a bhaint amach, tá pacáiste nua arb é is aidhm dó lárphointí rochtana áitiúla gan sreang a imlonnú trí bhíthin nósanna imeachta pleanála simplithe agus oibleagáidí rialála éadroma, *inter alia* nuair a sholáthraítear rochtain den sórt sin ar bhonn neamhthráchtála nó atá coimhdeach le soláthar seirbhísí poiblí eile.

Comhlánaíonn an beart seo an obair thuasluaite trí bhíthin leasuithe ar an gcreat dlíthiúil le haghaidh teileachumarsáid sa tSaoráid um Chónascadh na hEorpa, mar atá i Rialachán (AE) Uimh. 1316/2013³ (an “Rialachán SCE” anseo feasta) agus Rialachán (AE) Uimh. 283/2014⁴ (an “Rialachán Treoirilínte” anseo feasta). Spreagann na leasuithe sin eintitis a bhfuil misean poiblí acu, amhail údarais áitiúla agus soláthraithe seirbhísí poiblí, nascacht idirlín áitiúil gan sreang saor in aisce a thairiscint in ionaid a thaithíonn an pobal (e.g. riaracháin phoiblí, leabharlanna, ionaid sláinte agus ionaid phoiblí amuigh faoin aer). Chuige sin tá foráil déanta maidir le dreasachtaí airgid do na heintitis sin ar mian leo nascacht idirlín áitiúil ardtoillte gan

¹ Teachtaireacht ón gCoimisiún chuig Parlaimint na hEorpa, chuig an gComhairle, chuig Coiste Eacnamaíoch agus Sóisialta na hEorpa agus chuig Coiste na Réigiún – Nascacht le haghaidh Margadh Aonair Digiteach Iomaíoch: I dtreo Sochaí Eorpach Ghigighiotán (COM(2016)587).

² Togra le haghaidh Treoir ó Pharlaimint na hEorpa agus ón gComhairle lena mbunaítear an Cód Eorpach maidir le Cumarsáid Leictreonach (Athmhúnlú), (COM(2016)590).

³ Rialachán (AE) Uimh. 1316/2013 ó Pharlaimint na hEorpa agus ón gComhairle an 11 Nollaig 2013 lena mbunaítear an tSaoráid um Chónascadh na hEorpa, lena leasaítear Rialachán (AE) Uimh. 913/2010 agus lena n-aisghairtear Rialachán (CE) Uimh. 680/2007 agus Rialachán (CE) Uimh. 67/2010, IO L 348, 20.12.2013, lch. 129, arna leasú go deireanach le Rialachán (AE) 2015/1017 ó Pharlaimint na hEorpa agus ón gComhairle an 25 Meitheamh 2015, IO L 169, 1.7.2015, lch. 1.

⁴ Rialachán (AE) Uimh. 283/2014 ó Pharlaimint na hEorpa agus ón gComhairle an 11 Márta 2014 maidir le treoirilínte le haghaidh gréasán tras-Eorpach i réimse an bhonneagair teileachumarsáide agus lena n-aisghairtear Cinneadh Uimh. 1336/97/CE, IO L 86, 21.3.2014, lch 14.

sreang saor in aisce a sholáthar in áiteanna poiblí laistigh dá ndlínse nó sna háiteanna sin ina soláthraíonn siad seirbhísí. Maidir leis an maoiniú, tabharfar tús áite d'údaráis phoiblí áitiúla le cur ar a gcumas lárphointí rochtana a shuiteáil in ionaid a thaithíonn an pobal, lena n-áirítear ionaid amuigh faoin aer ar a bhfuil rochtain ag an bpobal i gcoitinne, sa chéad chéim den idirghabháil.

Má dhéantar an nascacht idirlín a chomhtháthú le seirbhísí poiblí atá ann cheana, spreagfar saoránaigh chun spéis a chur i seirbhísí ardoillte idirlín agus, dá bharr sin bainfear níos mó úsáide as seirbhísí leathanbhanda agus tiocfaidh forbairt ar an mbonneagar poiblí. Féadfaidh nascacht idirlín áitiúil gan sreang saor in aisce, ar a bhfuil rochtain in áiteanna gnóthacha ina mbailíonn daoine le chéile agus iad i mbun a ngnó laethúil, féadfaidh sé cur go mór leis an gcaoi a gcaitheann daoine a gcuid ama nuair a bhíonn siad díomhaoin nó ag taisteal agus tabharfar deis dóibh an t-am sin a úsáid chun obair a dhéanamh, a suaimhneas a ghlacadh nó tabhairt faoi fhoghlaím. Ina theannta sin, féadfaidh lárphointí rochtana áitiúla gan sreang den sórt sin gráinneacht an chlúdaigh a fheabhsú in áiteanna iargúlta nó in áiteanna ina gcuirfeadh an líon ollmhór úsáideoirí isteach go mór ar an tseirbhís nascachta gan sreang. A bhuí leis na lárphointí rochtana sin, tabharfar caoi d'úsáideoirí a bheith nasctha agus iad amuigh; chomh maith leis sin, cuirfear chun cinn an tsoghluaiseacht agus an tsolúbthacht agus spreagfar daoine chun spéis a chur sna seirbhísí atá á gcur ar fáil ag eintitis a bhfuil misean poiblí acu, agus féadfaidh daoine níos mó smachta a bheith acu ar a gcuid ama féin. Ag an am céanna, de bharr nach mbeidh ach clúdach teoranta ag ceann ar bith de na lárphointí rochtana, déantar deimhin de nach rachadh an tairiscint phoiblí seo in iomaíocht le tairiscintí tráchtála, ach d'fhéadfadh sí cur go mór leis an gcaoi a spreagfar daoine chun leathanbhanda a úsáid agus chun an litearthacht dhigiteach a chur chun cinn. Tabharfaidh sé seo spreagadh d'úsáideoirí glacadh le tairiscintí leathanbhanda, bídís sna margai tráchtála, cónaithe nó móibíleacha. Comhlánaíonn an idirghabháil atá beartaithe an coincheap nua reachtach maidir le seirbhís uilechoiteann atá leagtha amach sa togra le haghaidh Cód Eorpach maidir le Cumarsáid Leictreonach, arb é atá ann go bhfuil sé de cheart ag gach saoránach rochtain a bheith aige ar an idirlíon: an ceart ag daoine rochtain a bheith acu ar nasc feidhmiúil idirlín, in ionad seasta ar a laghad, ar phraghas réasúnta agus a thugann caoi dóibh páirt iomlán a ghlacadh sa gheilleagar digiteach agus sa tsochaí dhigiteach.

Foráiltear leis an togra atá beartaithe do shásra maoiniúcháin le haghaidh lárphointí rochtana áitiúla gan sreang a shuiteáil. Tá an idirghabháil ceaptha chun an tionchar gearrthéarmach is mó a bhaint amach trí spéis na saoránach a chothú i seirbhísí rochtana ar an idirlíon agus tríd an úsáid a bhaintear as seirbhísí digiteacha poiblí a éascú, rochtain ar bhonneagar seirbhísí digiteacha san áireamh. Meastar go mbeidh an spéis a chothófar sa togra mar bhunús leis na lárphointí rochtana a oibriú go leanúnach agus cinn nua a chur ina n-áit, más gá, gan tuilleadh cúnaimh airgeadais a bheith ar fáil faoi na rialacháin, rud atá ag teacht leis gcuspóir deireadh a chur de réir a chéile le cúnamh airgeadais den sórt sin, más féidir, agus úsáid sásraí maoiniúcháin eile a spreagadh.

Chun a chinntiú go ndéanfar an idirghabháil ar bhealach spriocdhírithe agus go mbainfidh an pobal an leas is mó is féidir aisti, ní thabharfar maoiniú ach amháin i gcás nach bhfuil lárphointí rochtana saor in aisce ann – bídís poiblí nó príobháideach – a sholáthraíonn seirbhísí leathanbhanda an-ardluais. Ar an ábhar go mbeidh an cúnamh airgeadais a dheonóidh an tAontas do ghníomhaíochtaí aonair faoi bhun na tairsí le haghaidh deontais ar luach íseal de EUR 60 000 dá bhforáiltear sa Rialachán Airgeadais⁵, ní mheastar go mbeidh

⁵ Arna shainiú in Airteagal 185 de Rialachán (AE) Uimh. 1268/2012 an 29 Deireadh Fómhair 2012 maidir le rialacha cur i bhfeidhm Rialachán (AE, Euratom) Uimh. 966/2012 ó Pharlaimint na hEorpa agus ón gComhairle maidir leis na rialacha airgeadais is infheidhme i ndáil le buiséad ginearálta an

aon mhórhthionchar ag an idirghabháil ar an iomaíocht⁶. Lena chois sin, deonófar an maoiniú go cothrom ó thaobh geografaíochta de, rud a chuireann leis an gcomhtháthú eacnamaíoch, sóisialta agus críochach san Aontas trí riachtanais na bpobal áitiúil a chur san áireamh go háirithe⁷. I ngeall ar chur i bhfeidhm comhpháirteach na gcritéar sin, tá an idirghabháil atá beartaithe i gcomhréir le creat na margaí oscailte agus iomaíocha atá mar bhonn taca faoi oibriú na líonraí tras-Eorpacha.

Sa bhreis ar spreagadh a thabhairt don éileamh ar nascacht leathanbhanda ardluais agus an úsáid a bhaintear aisti ar bhonn forleathan a chur chun cinn ar leibhéal an phobail, beidh roinnt tionchar dearfach ann freisin mar thoradh ar an idirghabháil, idir rochtain fheabhsaithe ar ríomhsheirbhísí rialtais agus rannpháirtíocht sa saol daonlathach, lena n-áirítear do ghrúpaí déimeagrafacha a mbeadh deacracht acu, murach sin, rochtain a fháil ar nascacht le bonneagar breise (ina measc dídeanaithe agus grúpaí ísealioncaim) chun go mbeidh teacht acu ar chumarsáid i gcásanna géarchéime agus éigeandála mar aon le fógraí seirbhíse poiblí. Chun a chinntiú gur féidir le pobail áitiúla atá ar bheagán acmhainní tairbhe a bhaint as bheith rannpháirteach sa Mhargadh Aonair Digiteach, ba cheart go mbeadh tacaíocht faoin mbeart seo ar fáil a chumhdóidh suas go 100 % de na costais incháilithe, gan dochar do phrionsabal an chómhaoinithe. Daoine a mbeadh na forbairtí digiteacha seo lena leas, d'fhéadfaidís iarraidh ar an bpobal áitiúil a bheith rannpháirteach i ngníomhaíochtaí cur chun feidhme atá maoinithe faoin togra chun a chinneadh cad iad na hionaid a thaithíonn an pobal ina ndéanadh suiteáil lárphointí rochtana gan sreang saor in aisce an breisluach is mó a sholáthar don phobal.

De bharr go bhfuil an idirghabháil solúbtha agus spriocdhírthe i gcomparáid leis an tacaíocht a chuirtear ar fáil do líonraí leathanbhanda faoin gclúdach earnálach teileachumarsáide chun an tSaoráid um Chónascadh na hEorpa a chur chun feidhme, ba cheart í a aithint mar thionscadal leasa choitinn ar leith a bhfuil gníomhaíochtaí comhlachaithe ag gabháil leis faoin Rialachán maidir leis an tSaoráid um Chónascadh na hEorpa, agus a bhfuil buiséad tiomnaithe aige ar cheart foráil a dhéanamh do na mionsonraí faoin Rialachán Treoirlínte. I ngeall ar an méid teoranta cúnamh airgeadais a dheonófar do gach tairbhí, ach an líon mór díobh a bheidh ann, tá sé tábhachtach a áirithiú go ndéanfar nósanna imeachta a chuíchóiriú chun gur féidir cinntí a dhéanamh ar bhealach éifeachtach agus tapa. Chuige sin, ba cheart go mbeadh sé ar chumas na mBallstát, faoin Rialachán maidir leis an tSaoráid um Chónascadh na hEorpa, tacú le catagóirí tograí faoin idirghabháil seo, in ionad teacht ar aontú maidir le liostaí tairbhíthe aonair. Tríd an leasú seo a chur chun feidhme ar dhóigh chothrománach a dhéanfaidh maitheas do thionscadail eile leasa choitinn, cuirtear san áireamh sa togra na héilimh ó na Ballstáit ar bhealaí níos éifeachtaí chun gníomhaíochtaí a chur chun feidhme sa réimse a bhaineann leis an mbonneagar seirbhísí digiteacha.

Chun a áirithiú gur féidir leis an mbeart freagairt d'éagsúlacht mhór cásanna agus gur féidir torthaí nithiúla a bhaint amach a luaithe agus is féidir, is den riachtanas é gan na cineálacha

Aontais, IO L 362, 31.12.2012, lch. 1, arna leasú le Rialachán Tarmligthe (AE) 2015/2462 ón gCoimisiún an 30 Deireadh Fómhair 2015, OJ L 342, 29.12.2015, lch. 7.

⁶ Ba cheart a mheas gur cabhair *de minimis* aon chúnamh breise airgeadais ó na Ballstáit, arna shainiú in Airteagal 3 de Rialachán (AE) Uimh. 1407/2013 ón gCoimisiún an 18 Nollaig 2013 maidir le hAirteagal 107 agus le hAirteagal 108 den Chonradh ar Fheidhmiú an Aontais Eorpaigh a chur i bhfeidhm i dtaca le cabhair *de minimis*, IO L 352, 24.12.2013, lch. 1. Sa chás nach gcomhlíonann an maoiniú breise sin ó Bhallstáit na ceanglais lena ndéantar cabhair a mheas mar chabhair *de minimis*, beidh feidhm ag Airteagal 107 agus Airteagal 108 den Chonradh ar Fheidhmiú an Aontais Eorpaigh maidir leis an maoiniú breise.

⁷ Maidir leis an gcuspóir cúnamh airgeadais an Aontais a leithdháileadh go cothrom ó thaobh geografaíochta de, is gá é a bhaint amach laistigh de theorainneacha na dtograí iarbhrí a fhaightear agus ar bhealach a bheidh ag i lán-chomhréir leis na prionsabail i dtaca le cineálacha sonracha cúnamh airgeadais a shainítear sa Rialachán Airgeadais.

cúnaimh airgeadais a theorannú gan chall. Is féidir méid mór solúbthachta a chaomhnú sa chomhthéacs seo trí chur chun feidhme a chumasú chun tairbhe a bhaint as an raon is mó cineálacha cúnaimh airgeadais atá ar fáil don idirghabháil. Chuige sin, agus i bhfianaise na caibidlíochta atá ar siúl faoi láthair maidir leis an Rialachán Airgeadais, ba cheart téacs an Rialacháin maidir leis an tSaoráid um Chónascadh na hEorpa a leasú i dtreo is go soiléirítear go bhfuil na bearta uile a thacaíonn le tionscadail leasa choitinn, lena n-áirítear an idirghabháil atá faoi thrácht, incháilithe do thacaíocht trí na cineálacha cúnaimh airgeadais atá ar fáil faoi láthair nó a bheidh ar fáil amach anseo faoin Rialachán Airgeadais.

Ar an lámh eile, moltar, ar na cúiseanna céanna, na cineálacha cúnaimh airgeadais atá ar fáil don idirghabháil a shonrú ar an dóigh chéanna sa Rialachán maidir leis an tSaoráid um Chónascadh na hEorpa agus sa Rialachán Treoirlínte. Is é is dócha gur deontais an cúnamh airgeadais is túisce agus is iomchuí chun an cuspóir a bhaineann le nascacht idirlín áitiúil gan sreang saor in aisce a chur chun cinn i bpobail áitiúla ach níor cheart cineálacha eile cúnaimh airgeadais a chur as an áireamh (cé is moite d'ionstraimí airgeadais). Ní chuirtear san áireamh ionstraimí airgeadais toisc go mbíonn ualach mór riaracháin ag baint leo agus go mbaineann agaí moille lena gcur chun feidhme, dhá rud a chiallaíonn nach bhfuil ailíniú leordhóthanach ann idir an sórt sin cúnaimh airgeadais agus saintréithe na gníomhaíochtaí atá beartaithe.

Chun luas agus éifeachtacht na hoibre a áirithiú, déanfar an idirghabháil trí bhíthin nósanna imeachta riaracháin cuíchóirithe a úsáideann doiciméadacht chaighdeánaithe (dearbháin, cuir i gcás) agus uirlisí ar líne chun iarratais a phróiseáil chomh maith le faireachán agus iniúchadh a dhéanamh ina dhiaidh sin ar na lárphointí rochtana áitiúla gan sreang a shuiteálfar.

Leis an togra atá beartaithe, togra a chuirfear chun cinn trí líonra an Aontais Eorpaigh d'Oifigi Inniúlachta Leathanbhanda⁸, meastar go n-ardófar feasacht i measc údarás áitiúil agus saoránach maidir le tosaíochtaí an Choimisiúin don tsochaí ghigighiotán agus, ina theannta sin, go léireofar don phobal i gcoitinne gur féidir le daoine muinín a bheith acu as cumas an Aontais nascacht idirlín agus rochtain ar sheirbhísí digiteacha a sholáthar ar fud ilchríoch na hEorpa. Déanfar deimhin de go mbeifear in ann na gníomhaíochtaí a mhaoineofar faoin mbeartas atá beartaithe a aithint trí bhíthin sainaitheantas físeach atá ceaptha ag an gCoimisiún agus a chuirfear ar fáil do thairbhíthe lena úsáid, lena n-áirítear, ar an dóigh sin, an aithint branda.

- **Comhsheasmhacht le forálacha beartais atá ann cheana sa réimse beartais**

Faoi láthair, leis an gcreat dlíthiúil le haghaidh teileachumarsáid sa tSaoráid um Chónascadh na hEorpa, déantar foráil maidir le tacaíocht airgeadais i réimse na teileachumarsáide do bhonneagar seirbhísí digiteacha (i bhfoirm deontas agus/nó soláthair) agus do líonraí leathanbhanda (i bhfoirm ionstraimí airgeadais).

Maidir le hidirghabháil chun tacú le leathanbhanda, i ngeall ar an tábhacht ar leith a bhaineann le líonraí leathanbhanda ó thaobh fáis agus post, agus i bhfianaise na ndúshlán – idir dhúshláin airgeadais agus dúshlán theicniúla – a bhaineann le hinfheistíocht phoiblí san earnáil, déantar foráil maidir le hidirghabháil theoranta leis an Rialachán Treoirlínte. Leis an Rialachán maidir leis an tSaoráid um Chónascadh na hEorpa, tugtar ranníocaíocht bheag chun ionstraimí airgeadais a bhunú ar leibhéal an Aontais, go háirithe i gcomhar leis an mBanc Eorpach Infheistíochta chun an úsáid éifeachtach a bhaintear as acmhainní poiblí eile, mar aon le hacmhainní príobháideacha, a éascú. Tá sé d'aidhm ag an idirghabháil tionscadail nuálacha leathanbhanda a imlonnú, tionscadail atá bunaithe ar theicneolaíocht úrscothach a d'fhéadfaí a mhacasamhlú agus, dá bharr sin, na cuspóirí a leagadh amach di a bhaint amach go díreach nó trí bhíthin éifeacht ó eispéiris breathnaithe.

⁸ <https://ec.europa.eu/digital-single-market/en/broadband-competence-offices>.

Comhlánaíonn an togra na gnéithe sin den togra le haghaidh Cód Eorpach maidir le Cumarsáid Leictreonach atá dírithe ar an úsáideoir deiridh. Maidir leis an tacaíocht a thabharfar chun lárphointí rochtana áitiúla gan sreang a shuiteáil in ionaid a thaithíonn an pobal, is comhlánú í ar ghníomhaíochtaí eile in earnáil na teileachumarsáide faoin tSaoráid um Chónascadh na hEorpa agus ar fhoinsí eile tacaíochta airgeadais, amhail Cistí Struchtúrtha agus Infheistíochta na hEorpa, lena dtugtar tacaíocht do sholáthar céimneach líonraí leathanbhanda. Toisc nach gcumhdaíonn an Rialachán maidir leis an tSaoráid um Chónascadh na hEorpa ná an Rialachán Treoirlínte gníomhaíochtaí dá leithéidí, tá sé beartaithe iad a leasú dá réir.

2. BUNÚS DLÍ, COIMHDEACHT AGUS COMHRÉIREACHT

• Bunús dlí

Tá an togra bunaithe ar Airteagal 172 den Chonradh ar Fheidhmiú an Aontais Eorpaigh (CFAE), lena gcumhdaítear idirghabháil an Aontais a thacaíonn le bunú agus forbairt líonraí tras-Eorpacha i réimsí an bhonneagair iompair, teileachumarsáide agus fuinnimh. I gcomhréir le hAirteagal 170(1) de CFAE, tá an togra ceaptha deimhin a dhéanamh de go bhféadfaidh le pobail áitiúla lántairbhe a bhaint as an Margadh Aonair Digiteach trí limistéar a bhunú gan teorainneacha inmheánacha trí líonraí den sórt sin a imlonnú.

• Coimhdeacht agus comhréireacht

Tá prionsabal na comhréireachta á chomhlíonadh ag an togra seo, agus tá sé laistigh den raon feidhme gníomhaíochta a bhaineann le réimse na líonraí teileachumarsáide tras-Eorpacha, arna shainiú in Airteagal 170 den Chonradh ar Fheidhmiú an Aontais Eorpaigh.

Trí aird faoi leith a thabhairt ar riachtanais na bpobal áitiúil sa chiall is leithne den Straitéis maidir le Margadh Aonair Digiteach, is cuidiú é an togra margadh inmheánach don chumarsáid leictreonach a chur ar bun agus cuireann sé ar chumas na bpobal atá lonnaithe laistigh den mhargadh a bheith rannpháirteach ann. Ar an ábhar nach féidir leis na Ballstáit iad féin nascacht ardchaighdeán gan sreang a chur ar fáil ar dhóigh leordhóthanach ar chríoch iomlán an Aontais, tá an togra i gcomhréir le prionsabal na coimhdeachta a leagtar amach in Airteagal 5 den Chonradh ar an Aontas Eorpach. Táthar ag súil go gcuirfear an idirghabháil chun cinn, *inter alia*, trí líonra an Aontais Eorpaigh d'Oifigí Inniúlachta Leathanbhanda, rud a dheimhneoidh go bhféadfar aird a thabhairt ar na riachtanais atá ag pobail áitiúla ar dhóigh éifeachtúil agus go gcoimeádfar ualaigh riaracháin chomh héadrom agus is féidir.

Na tionscadail atá ann faoi láthair agus a bhaineann le nascacht idirlín áitiúil gan sreang saor in aisce, tá siad ilroinnte, agus is údar neamhéifeachtúlachta é sin. Níl aon straitéis uileghabhálach ann go háirithe chun nascacht idirlín gan sreang saor in aisce a chur chun cinn ar fud an Aontais chun rannpháirtíocht na bpobal áitiúil sa Mhargadh Aonair Digiteach a mhéadú. Ar an ábhar go bhfuil gach lárphointe rochtana áitiúil gan sreang teoranta, ceann ar cheann, de réir limistéir fiú laistigh de phobail áitiúla, is tábhachtaí fós a áirithiú go gcuirtear chun cinn, ar bhealach comhleanúnach, an leas coiteann i dtaca le nascacht idirlín ar fud an Aontais agus an tseirbhís á himlonnú. A bhuí le himlonnú comhleanúnach ar bhonn uile-Eorpach de sheirbhísí nascachta gan sreang saor in aisce, gheofar an luach is mó is féidir ar an airgead a chaithfear ar an idirghabháil (go háirithe trí na costais riaracháin i gcás deontais bheaga a laghdú de bharr ar éifeachtaí scála, ach trí na praghsanna ar threalamh a ísliú freisin) agus a áirithiú gur mó an comhionannas rochtana agus, ar an dóigh sin, an comhtháthú eacnamaíoch, sóisialta agus críochach san Aontas a neartú. Tá sé mar aidhm ag an mbeart atá beartaithe luach breise a chur leis an idirghabháil ar leibhéal an Aontais trína áirithiú go bhféadfar, a bhuí leis an mbonneagar a imlonnófar, rochtain a fháil tríd an mbonneagar seirbhísí digiteacha ar sheirbhísí idir-inoibritheacha tras-Eorpacha leasa choitinn,

amhail Europeana, bonneagar seirbhísí idirlín níos sábháilte agus ríomhsheirbhísí sláinte trasteorann idir-inoibritheacha.

Tá an idirghabháil teoranta do nascacht idirlín a sholáthar in ionaid a thaithíonn an pobal agus in ionaid amuigh faoin aer ar a bhfuil rochtain ag an bpobal trí bhíthin lárphointí rochtana a bhfuil clúdach teoranta acu ó nádúr, agus na tionscadail aonair a dtabharfar fúthu, beidh siad beag. Ar an tslí sin, tá an idirghabháil comhréireach leis an gcuspóir pobail áitiúla a chumasú le bheith rannpháirteach sa ghné gan sreang den Mhargadh Digiteach Aonair gan dochar do thairiscintí tráchtála. Ag an am céanna, táthar ag súil go mbeidh tionchair bhreise dhearfacha ag an mbeart ar an rannpháirtíocht i gcoitinne i dtairiscintí i dtaca le nascacht idirlín trí sheirbhísí rochtana a chuirfear ar fáil ar bhonn tráchtálach. Meastar go neartófar tuilleadh éifeachtacht na hidirghabhála toisc an éascaíocht a bhaineann le macasamhlú agus na héifeachtaí ó eispéiris breathnaithe a d'fhéadfadh a bheith ann i ngeall ar chásanna úsáide a n-éireoidh leo.

De bharr go ndéanfar togra a riar ar líne mar aon le, *inter alia*, tacaíocht ó líonra na nOifigí Inniúlachta Leathanbhanda intíre, áiríteofar go gcoimeádfar an t-ualach riaracháin i dtaca le cur chun feidhme an tionscnaimh agus i dtaca le bheith rannpháirteach ann chomh beag agus is féidir.

3. TORTHAÍ Ó MHEASTÓIREACHTAÍ *EX-POST*, Ó CHOMHAIRLIÚCHÁIN LEIS NA PÁIRTITHE LEASMHARA AGUS Ó MHEASÚNUITHE TIONCHAIR

Toisc go bhfuil an tionscnamh seo ina chomhlánú ar an bpacáiste nua teileachumarsáide, ar cuid de an Teachtaireacht ina leagtar amach fíis an Aontais Eorpaigh maidir le nascacht idirlín do shaoránaigh agus do ghnólachtaí sa Mhargadh Aonair Digiteach agus an togra reachtach lena ndéantar an creat rialála maidir le cumarsáid leictreonach a athbhreithniú, tá sé bunaithe cuid mhór ar ionchur páirtithe leasmhara agus ar an anailís chuimsitheach a rinneadh sa mheastóireacht agus sa mheasúnú tionchair a thacaíonn leis na tograí seo agus na doiciméid inmheánacha oibre a ghabhann leis an Teachtaireacht. Seo thíos achoimre ar na pointí is mó a bhaineann leis an togra seo. Tríd is tríd, léiríonn an anailís gur féidir le gníomhaíochtaí rialála agus reachtacha bacainní a bhaint, dreasachtaí iomaíochta a fheabhsú, intuathacht níos fearr a chur ar fáil d'infheisteoirí agus costais a laghdú ar líonraí a imlonnú ach, os a choinne sin, go bhfuil ról tábhachtach ag maoiniú poiblí má táthar chun cuspóirí nascachta idirlín an Aontais a bhaint amach san fhadtárma.

Léirigh an tuarascáil⁹ ina ndéantar achoimre ar ar tháinig as an gcomhairliúchán poiblí a rinne an Coimisiún le déanaí maidir leis an athbhreithniú ar an gcreat rialála le haghaidh teileachumarsáid leictreonach go raibh cuid mhaith údarás poiblí agus freagróirí príobháideacha ar son líonraí Wi-Fi a imlonnú in áitribh phoiblí agus, ag an am céanna, gur theastaigh uathu timpeallacht rialála iomchuí i dtaobh saincheisteanna ar nós dliteanas an tsoláthraí rochtana agus nochtadh do réimsí leictreamaighnéadacha. Chuir oibreoirí i bhfios go láidir go gcaithfeadh aon tacaíocht phoiblí a bheith neodrach ó thaobh na teicneolaíochta de ach, ag an am céanna, go bhféadfaí feidhmiú céimneach na líonraí a éascú trí bhíthin cineálacha éagsúla comhpháirtíochtaí príobháideacha poiblí. Tá na torthaí seo i gcomhréir leis an meastóireacht *ex-post* a rinneadh ar an gcóras atá i bhfeidhm faoi láthair, meastóireacht atá ag gabháil leis an togra le haghaidh athbhreithniú ar an gcreat rialála.

⁹ <https://ec.europa.eu/digital-single-market/en/news/full-synopsis-report-public-consultation-evaluation-and-review-regulatory-framework-electronic>

Leis an measúnú tionchair a rinneadh le haghaidh athbhreithniú ar an gcreat rialála, tógtar ar na tuairimí a chuir na páirtithe leasmhara in iúl agus moltar go dtabharfar isteach forálacha maidir le mionchealla a imlonnú. Tá na forálacha sin ceaptha laghdú a dhéanamh ar an gcostas atá ar líonraí idirlín an-dlúth a imlonnú agus feabhas a chur ar an rochtain ar nascacht idirlín áitiúil gan sreang chun freastal ar an éileamh as cuimse ar nascacht Idirlín uileláithreach. An togra seo, ar comhlánú é ar rogha na tosaíochta maidir leis an gcreat rialála a fhorbairt i réimse na bainistíochta speictrim, éascóidh sé nascacht idirlín áitiúil gan sreang saor in aisce a sholáthar agus, ar an dóigh sin, tacóidh sé le fíis an Aontais Eorpaigh le haghaidh nascacht idirlín do shaoránaigh agus do ghnólachtaí sa Mhargadh Aonair Digiteach a bhaint amach.

4. IMPLEACHTAÍ BUISÉADACHA

Na leithreasuithe a mbeidh gá leo don togra seo, tá siad le maoiniú go hiomlán laistigh den Chreat Ilbhliantúil Airgeadais 2014–2020. Déanfar EUR 70 milliún a athdháileadh laistigh de na méideanna atá beartaithe don earnáil teileachumarsáide den tSaoráid um Chónascadh na hEorpa 2017–2019 agus aistreofar EUR 50 milliún chuig an gclúdach airgeadais le haghaidh earnáil na teileachumarsáide trí Airteagal 5(1) den Rialachán maidir leis an tSaoráid um Chónascadh na hEorpa a leasú. Ar chúiseanna comhsheasmhachta, léirítear an méadú sin sa togra le haghaidh leasú ar an gcreat dlíthiúil don Chiste Eorpach le haghaidh Infheistíochtaí Straitéiseacha¹⁰, mar a leagtar síos é i Rialachán (AE) Uimh. 2015/1017¹¹.

¹⁰ Togra le haghaidh Rialachán ó Pharlaimint na hEorpa agus ón gComhairle lena leasaítear Rialachán (AE) Uimh. 1316/2013 agus Rialachán (AE) 2015/1017 i ndáil le síneadh a chur le ré an Chiste Eorpaigh le haghaidh Infheistíochtaí Straitéiseacha chomh maith le feabhsuithe teicniúla ar an gCiste sin agus ar an Mol Comhairleach Eorpach maidir le hInfheistíocht a thabhairt isteach (COM(2016)597).

¹¹ Rialachán (AE) 2015/1017 ó Pharlaimint na hEorpa agus ón gComhairle an 25 Meitheamh 2015 maidir leis an gCiste Eorpach le haghaidh Infheistíochtaí Straitéiseacha, leis an Mol Comhairleach Eorpach maidir le hInfheistíocht agus leis an Tairseach Eorpach de Thionscadail Infheistíochta agus lena leasaítear Rialachán (AE) Uimh. 1291/2013 agus Rialachán (AE) Uimh. 1316/2013 – an Ciste Eorpach le haghaidh Infheistíochtaí Straitéiseacha, IO L 169, 1.7.2015, lch. 1.

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena leasaítear Rialacháin (AE) Uimh. 1316/2013 agus (AE) Uimh. 283/2014 maidir le nascacht idirlín a chur chun cinn i bpobail áitiúla

(Téacs atá ábhartha maidir leis an LEE)

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 172 de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa¹²,

Ag féachaint don tuairim ó Choiste na Réigiún¹³,

Ag gníomhú dóibh i gcomhréir leis an ngnáthnós imeachta reachtach,

De bharr an méid seo a leanas:

- (1) Sa Teachtaireacht ón gCoimisiún ina leagtar amach fíis an Aontais maidir le nascacht idirlín do shaoránaigh agus do ghnóilachtaí sa Mhargadh Aonair Digiteach¹⁴, tugtar cuntas ar roinnt bearta lena bhféadfaí nascacht san Aontas Eorpach a fheabhsú.
- (2) Ar na bearta a mholtar sa Teachtaireacht chun féachaint le nascacht san Eoraip a bhaint amach, tá lárphointí rochtana áitiúla gan sreang a imlonnú trí bhíthin nósanna imeachta pleanála simplithe agus bacanna rialála laghdaithe. Féadfaidh lárphointí rochtana den sórt sin, lena n-áirítear iad sin a bhaineann le soláthar seirbhísí poiblí eile agus iad sin nach de chineál tráchtála iad, féadfaidh siad a bheith ina mórchuidiú na líonraí cumarsáide gan sreang atá ann faoi láthair a fheabhsú agus na saghsanna líonraí a bheidh ann amach anseo a imlonnú trí chlúdach níos gráinní a éascú de réir mar is gá.
- (3) I bhfianaise na Teachtaireachta ina leagtar amach fíis an Aontais Eorpaigh maidir le nascacht idirlín don Mhargadh Aonair Digiteach agus chun an cuimsiú digiteach a chur chun cinn, ba cheart don Aontas tacú le nascacht idirlín áitiúil gan sreang saor in aisce a chur ar fáil in ionaid a thaithíonn an pobal, ionaid amuigh faoin aer ar féidir an pobal i gcoitinne dul iontu san áireamh, agus is le tacaíocht spriocdhírithe ba cheart dó

¹² IO C, lch.

¹³ IO C, lch.

¹⁴ Teachtaireacht ón gCoimisiún chuig Parlaimint na hEorpa, chuig an gComhairle, chuig Coiste Eacnamaíoch agus Sóisialta na hEorpa agus chuig Coiste na Réigiún – Nascacht idirlín le haghaidh Margadh Aonair Digiteach Iomaíoch: I dtreo Sochaí Eorpach Ghigighiotán (COM(2016)587).

sin a dhéanamh. Níor cumhdaíodh, go dtí seo, tacaíocht den sórt sin le Rialachán (AE) Uimh. 1316/2013¹⁵ agus Rialachán (AE) Uimh. 283/2014¹⁶.

- (4) A bhuí le tacaíocht den chineál sin, ba cheart go dtabharfaí spreagadh d'eintitis a bhfuil misean poiblí acu, amhail údarais phoiblí agus soláthraithe seirbhísí poiblí, nascacht idirlín áitiúil gan sreang saor in aisce a thairiscint mar sheirbhís a bhaineann leis an mhisean poiblí atá acu chun a áirithiú gur féidir le pobail áitiúla tairbhe a bhaint as leathanbhanda an-ardluais in ionaid phoiblí. D'fhéadfadh bardais agus údarais phoiblí áitiúla eile, leabharlanna agus ospidéal a bheith ar eintitis dá leithéidí.
- (5) Níor cheart nascacht áitiúil gan sreang a áireamh mar nascacht atá saor ach amháin má chuirtear ar fáil í gan íocaíocht chomhfhreagrach, is cuma cé acu íocaíocht dhíreach nó cúiteamh de shaghas eile atá ann, lena n-áirítear fógraíocht agus soláthar sonraí pearsanta, ach gan é a bheith teoranta dóibh sin.
- (6) I bhfianaise chuspóir sonracha na hidirghabhála agus ó tharla í a bheith dírithe ar riachtanais áitiúla, ba cheart í a aithint mar thionscadal leasa choitinn ar leith in earnáil na teileachumarsáide de réir bhrí Rialachán (AE) Uimh. 1316/2013 agus Rialachán (AE) Uimh. 283/2014.
- (7) D'fhonn an maoiniú iomchuí a chur ar fáil don idirghabháil, ba cheart EUR 50 000 000 a chur leis an gclúdach airgeadais do chur chun feidhme an Rialacháin maidir leis an tSaoráid um Chónascadh na hEorpa in earnáil na teileachumarsáide.
- (8) De bharr gur idirghabháil de chineál neamhthráchtála í seo agus gur tionscadail aonair ar scála beag na tionscadail a mheastar a bheidh ann, ba cheart an t-ualach riaracháin a choimeád chomh híseal agus is féidir. Ar an ábhar sin, ba cheart an idirghabháil a dhéanamh leis na cineálacha cúnamh airgeadais is iomchuí atá ar fáil faoin Rialachán Airgeadais, nó a bheidh ar fáil faoi amach anseo, deontais go háirithe. Níor cheart an idirghabháil a bheith ag brath ar ionstraimí airgeadais.
- (9) Toisc nach mbeidh ach clúdach teoranta ag aon cheann ar leith de na lárphointí rochtana áitiúla gan sreang agus toisc an luach íseal a bheidh ar na tionscadail aonair a chuimsíonn an idirghabháil, ní mheastar go mbeidh na lárphointí rochtana a dtabharfar cúnamh airgeadais dóibh in iomaíocht le tairiscintí tráchtála. D'fhonn a áirithiú tuilleadh nach ndéantar saobhadh míchuí ar iomaíocht i ngeall ar chúnamh airgeadais den sórt sin, nach bplódaítear infheistíochtaí príobháideacha agus nach gcruthaítear dídhreasachtaí d'oibritheoirí príobháideacha infheistíocht a dhéanamh, ba cheart an idirghabháil a theorannú do thionscadail nach ionann iad agus tairiscintí poiblí agus príobháideacha atá ann cheana sa réimse céanna agus a bhfuil na gnéithe céanna acu. Ingeall air sin, níor cheart go gcuirfí as an áireamh tacaíocht bhreise ó fhoinsí maoinithe – bídis poiblí nó príobháideach – chun an tseirbhís a imlonnú faoin tionscnamh seo.
- (10) D'fhonn a áirithiú go gcuirfear nascacht idirlín ar fáil go tapa i gcomhréir leis an Rialachán seo, ba cheart, a oiread is féidir, cúnamh airgeadais a chur chun feidhme trí

¹⁵ Rialachán (AE) Uimh. 1316/2013 ó Pharlaimint na hEorpa agus ón gComhairle an 11 Nollaig 2013 lena mbunaítear an tSaoráid um Chónascadh na hEorpa, lena leasaítear Rialachán (AE) Uimh. 913/2010 agus lena n-aisghairtear Rialachán (CE) Uimh. 680/2007 agus Rialachán (CE) Uimh. 67/2010, IO L 348, 20.12.2013, lch. 129, arna leasú go deireanach le Rialachán (AE) 2015/1017 ó Pharlaimint na hEorpa agus ón gComhairle an 25 Meitheamh 2015, IO L 169, 1.7.2015, lch. 1.

¹⁶ Rialachán (AE) Uimh. 283/2014 ó Pharlaimint na hEorpa agus ón gComhairle an 11 Márta 2014 maidir le treoirlínte le haghaidh gréasán tras-Eorpach i réimse an bhonneagair teileachumarsáide agus lena n-aisghairtear Cinneadh Uimh. 1336/97/CE, IO L 86, 21.3.2014, lch 14.

uirlisí ar líne a úsáid, uirlisí lenar féidir iarratais a dhéanamh agus a phróiseáil go tapa dá mbarr agus lárphointí áitiúla gan sreang arna suiteáil a chur chun feidhme agus faireachán agus iniúchadh a dhéanamh ar na suiteálacha sin.

- (11) I ngeall ar na riachtanais atá ann i dtaca le nascacht idirlín san Aontas agus i ngeall ar an bpráinn a bhaineann le líonraí rochtana a chur chun cinn lena bhféadtar seirbhís idirlín ardchaighdeán a chur ar fáil, ar fud an Aontais, agus atá bunaithe ar sheirbhísí leathanbhanda an-ardluais, ba cheart féachaint leis an gcúnamh airgeadais a leithdháileadh go cothrom ó thaobh geografaíochta de.
- (12) Ba cheart, dá bhrí sin, Rialachán (AE) Uimh. 1316/2013 agus Rialachán (AE) Uimh. 283/2014 a leasú dá réir,

TAR ÉIS AN RIALACHÁN SEO A GHLACADH:

Airteagal 1

Leasuithe ar Rialachán (AE) Uimh. 1316/2013

Leasaítear Rialachán (AE) Uimh. 1316/2013 mar a leanas:

1. Sa chéad fhomhír d'Airteagal 5(1), cuirtear an méid seo a leanas in ionad phointe (b):

“(b) earnáil na teileachumarsáide: “EUR 1 091 602 000;”

2. Leasaítear Airteagal 7 mar seo a leanas:

- a) cuirtear an méid seo a leanas in ionad mhír 1:

“1. “Is gníomhaíochtaí a rannchuideoidh le tionscadail leasa choitinn i gcomhréir le Rialachán (AE) Uimh. 1315/2013 agus le Rialachán (AE) Uimh. 347/2013 agus le Rialachán maidir le treoirlínte le haghaidh gréasán tras-Eorpach i réimse an bhonneagair teileachumarsáide, agus gníomhaíochtaí tacaíochta cláir, agus iad sin amháin, a bheidh incháilithe do thacaíocht trí chúnamh airgeadais an Aontais go háirithe i bhfoirm deontais, soláthair agus ionstraimí airgeadais.”

- b) cuirtear an méid seo a leanas in ionad mhír 4:

“4. San earnáil teileachumarsáide, beidh gach gníomhaíocht lena gcuirfear chun feidhme tionscadail leasa choitinn agus gníomhaíochtaí tacaíochta clár a shainaithnítear i Rialachán maidir le treoirlínte le haghaidh gréasán tras-Eorpach i réimse an bhonneagair teileachumarsáide agus a chomhlíonfaidh na critéir incháilitheachta agus/nó na coinníollacha incháilitheachta a leagtar síos i gcomhréir leis an Rialachán sin incháilithe cabhair airgeadais ón Aontas a fháil faoin Rialachán seo mar a leanas:

(a) déanfar seirbhísí cineálacha, croí-ardáin seirbhíse agus gníomhaíochtaí tacaíochta cláir a mhaoiniú trí dheontais agus/nó soláthar;

(b) déanfar gníomhaíochtaí i réimse na ngréasán leathanbhanda a mhaoiniú trí ionstraimí airgeadais.

(c) déanfar gníomhaíochtaí chun nascacht idirlín áitiúil gan sreang saor in aisce a sholáthar i bpobail áitiúla a mhaoiniú trí dheontais nó trí chineálacha cúnamh airgeadais nach ionstraimí airgeadais iad.”

3. In Airteagal 9, cuirtear isteach an mhír seo a leanas:

“1a. I gcás ina bhfuil údar leo, i ngeall ar an ngá atá ann an t-ualach míchuí riaracháin a sheachaint, go háirithe má bhíonn deontais ar luach íseal de réir bhrí Airteagal 185 de Rialachán (AE) Uimh. 1286/2012 i gceist, d’fhéadfaidh na Ballstáit toiliú le catagóir ar leith tograí faoi na cláir oibre de bhun Airteagal 17, gan na hiarrthóirí aonair a ainmniú.”

4. In Airteagal 10(4), cuirtear isteach an tríú fomhír seo a leanas:

“Déanfar gníomhaíochtaí chun nascacht idirlín áitiúil gan sreang saor in aisce a sholáthar i bpobail áitiúla a mhaoiniú trí bhíthin cúnaimh airgeadais ón Aontas suas go 100 % de na costais incháilithe, gan dochar do phrionsabal an chómhaoinithe.”

Airteagal 2

Leasuithe ar Rialachán (AE) Uimh. 283/2014

Leasaítear Rialachán (AE) Uimh. 283/2014 mar a leanas:

1. In Airteagal 2(2) cuirtear isteach an pointe (h) seo a leanas:

“(h) ciallaíonn ‘lárphointe rochtana áitiúil gan sreang’ trealamh beag ísealchumhachta a fheidhmíonn laistigh de raon beag, agus a úsáideann, ar bhonn neamheisiach, speictream raidió a bhfuil na coinníollacha maidir lena infhaighteacht agus a úsáid éifeachtach comhchuibhithe ar leibhéal an Aontais, agus lenar féidir le húsáideoirí líonra cumarsáide leictreonaí a rochtain gan sreang.”

2. In Airteagal 4(1) cuirtear isteach an pointe (c) seo a leanas:

“(c) tacú le nascacht idirlín áitiúil gan sreang saor in aisce a chur ar fáil i bpobail áitiúla.”

3. Leasaítear Airteagal 5 mar a leanas:

a) cuirtear an méid seo a leanas in ionad mhír 7:

“7. Ní bheidh méid iomlán an bhuiséid a leithdháiltear ar ionstraimí airgeadais le haghaidh líonraí leathanbhanda níos mó ná an t-íosmhéid is gá chun idirghabhálacha cost-éifeachtúla a bhunú a chinnfear ar bhonn measúnuithe *ex-ante* dá dtagraítear in Airteagal 14(1) de Rialachán (AE) Uimh. 1316/2013.

Suas go 15 % den chlúdach airgeadais d’earnáil na teileachumarsáide dá dtagraítear i bpointe (b) d’Airteagal 5(1) de Rialachán (AE) Uimh. 1316/2013 a bheidh sa mhéid sin.”

b) cuirtear an mhír seo a leanas isteach:

“5a. Tacófar le gníomhaíocht a rannchuideoidh le tionscadail leasa choitinn a bhaineann le nascacht idirlín áitiúil gan sreang saor in aisce a sholáthar i bpobail áitiúla mar seo a leanas:

(a) deontais; agus/nó

(b) cineálacha cúnaimh airgeadais nach ionstraimí airgeadais iad.”

4. In Airteagal 6, cuirtear isteach an mhír 8a seo a leanas:

“8a. Maidir le gníomhaíochtaí a rannchuideoidh le tionscadail leasa choitinn a bhaineann le nascacht idirlín áitiúil gan sreang saor in aisce a sholáthar i bpobail áitiúla, ní mór dóibh na coinníollacha a leagtar amach i Roinn 4 san Iarscríbhinn a chomhlíonadh.”

5. In Airteagal 8(9) cuirtear isteach an pointe (d) seo a leanas:

“(d) an líon nasc idirlín leis na lárphointí rochtana áitiúla gan sreang a bhunaítear de thoradh gníomhaíochtaí lena gcuirtear Roinn 4 den Iarscríbhinn chun feidhme.”

6. San Iarscríbhinn, cuirfear isteach an roinn seo a leanas:

ROINN 4. NASCACHT GAN SREANG I bPOBAIL ÁITIÚLA

Maidir le gníomhaíochtaí arb é is aidhm dóibh nascacht idirlín áitiúil gan sreang saor in aisce a sholáthar in ionaid a thaithíonn an pobal, lena n-áirítear ionaid amuigh faoin aer ar a bhfuil rochtain ag an bpobal i gcoitinne agus ar áiteanna tábhachtacha iad i saol an phobail áitiúil, beidh na gníomhaíochtaí sin incháilithe do chúnamh airgeadais.

Beidh cúnamh airgeadais ar fáil d’eintitis a bhfuil misean poiblí acu, amhail údaráis áitiúla agus soláthraithe seirbhísí poiblí, agus a thugann gealltanais faoi nascacht idirlín áitiúil gan sreang saor in aisce a sholáthar trí lárphointí rochtana áitiúla gan sreang a shuiteáil.

Tionscadail a bhfuil sé mar aidhm acu nascacht idirlín gan sreang a chur ar fáil trí bhíthin lárphointí rochtana áitiúla gan sreang saor in aisce, féadfar iad a mhaoiniú ar an gcoinníoll:

- 1) gur eintiteas, a bhfuil misean poiblí aige agus a bhfuil sé ar a chumas suiteáil lárphointí rochtana áitiúla gan sreang in áiteanna poiblí laistigh agus lasmuigh a phleanáil agus maoirseacht a dhéanamh ar an tsuiteáil, gur eintiteas den saghas sin a chuireann an obair chun feidhme;
- 2) go n-úsáidtear nascacht leathanbhanda an-ardluais lenar féidir seirbhís ardchaighdeán idirlín d’úsáideoirí a chur ar fáil, ar seirbhís í
 - a. atá saor in aisce, is furasta a rochtain, agus a n-úsáidtear trealamh úrscothach lena haghaidh, agus
 - b. a éascaíonn rochtain ar sheirbhísí digiteacha nuálacha, amhail iad sin a thairgtear trí bhonneagar seirbhísí digiteacha;
- 3) go n-úsáidtear an sainaitheantas coiteann físeach a chuirfidh an Coimisiún ar fáil chomh maith le nasc chuig na huirlisí gaolmhara ar líne.

Tionscadail arb ionann iad agus tairiscintí poiblí agus príobháideacha atá ann cheana sa réimse céanna agus a bhfuil na gnéithe céanna acu, ní chumhdófar iad.

Is go cothrom ó thaobh geografaíochta de a leithdháilfear an buiséad atá ar fáil ar thionscadail a chomhlíonann na coinníollacha a shonraítear thuas i bhfianaise na moltaí a fhaightear agus, i bpriomsabal, ar bhonn “tús freastail ar an gceann is túisce” a leithdháilfear iad.

Airteagal 3

Teacht i bhfeidhm

Tiocfaidh an Rialachán seo i bhfeidhm ar an bhfichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán

IARSCRÍBHINN

Ráiteas Airgeadais Reachtach

Togra le haghaidh Rialachán lena leasaítear Rialacháin (AE) Uimh. 1316/2013 agus (AE)

Uimh. 283/2014 maidir le nascacht idirlín a chur chun cinn i bpobail áitiúla

1. LEAGAN AMACH AN TOGRA/TIONSCNAIMH

- 1.1. Teideal an togra/tionscnaimh
- 1.2. Réimsí beartais lena mbaineann i gcreat ABM/ABB
- 1.3. An cineál togra/tionscnaimh
- 1.4. Cuspóirí
- 1.5. Foras an togra/tionscnaimh
- 1.6. Fad agus tionchar airgeadais
- 1.7. Modhanna bainistíochta atá beartaithe

2. BEARTA BAINISTÍOCHTA

- 2.1. Rialacha faireacháin agus tuairiscithe
- 2.2. Córas bainistíochta agus rialaithe
- 2.3. Bearta chun calaois agus neamhrialtachtaí a chosc

3. AN TIONCHAR AIRGEADAIS A MHEASTAR A BHEIDH AG AN TOGRA/TIONSCNAMH

- 3.1. Ceannteidil an chreata airgeadais ilbhliantúil agus na línte buiséid ar a n-imrítear tionchar
- 3.2. An tionchar a mheastar a bheidh ag an togra/tionscnamh ar chaiteachas
 - 3.2 1. *Achoimre ar an tionchar a mheastar a bheidh ar chaiteachais*
 - 3.2 2. *An tionchar a mheastar a bheidh ar leithreasuithe faoi chomhair oibríochtaí*
 - 3.2 3. *An tionchar a mheastar a bheidh ar leithreasuithe de chineál riaracháin*
 - 3.2 4. *Comhoiriúnacht don chreat airgeadais ilbhliantúil reatha*
 - 3.2 5. *Ranníocaíochtaí ó thríú páirtithe*
- 3.3. An tionchar a mheastar a bheidh ar ioncam

RÁITEAS AIRGEADAIS REACHTACH

1. LEAGAN AMACH AN TOGRA/TIONSCNAIMH

1.1. Teideal an togra/tionscnaimh

Togra le haghaidh Rialachán lena leasaítear Rialacháin (AE) Uimh. 1316/2013 agus (AE) Uimh. 283/2014 maidir le nascacht idirlín a chur chun cinn i bpobail áitiúla

1.2. Réimsí beartais lena mbaineann i gcreat ABM/ABB¹⁷

09. Líonraí cumarsáide, inneachar agus teicneolaíocht

1.3. An cineál togra/tionscnaimh

x Baineann an togra/tionscnamh le **gníomhaíocht nua**

☐ Baineann an togra/tionscnamh le beart nua a leanann treoirthionscadal/réamhbheart¹⁸

☐ Baineann an togra/tionscnamh le síneadh ar bheart atá ann cheana

☐ Baineann an togra/tionscnamh le beart a atreoraíodh i dtreo beart nua

1.4. Cuspóirí

1.4.1. Cuspóirí straitéiseacha ilbhliantúla an Choimisiúin ar a bhfuil an togra/tionscnamh dírithe

Sa phacáiste nua Teileachumarsáide, atá le glacadh ag an gCoimisiún an 13 Meán Fómhair 2016, beidh Teachtaireacht lena leagtar amach fíis an Aontais Eorpaigh le haghaidh nascacht idirlín do shaoránaigh Eorpacha agus do ghnólachtaí Eorpacha agus beidh togra reachtach lena ndéantar an creat rialála maidir le Teileachumarsáid a athbhreithniú. Sna tograí ón gCoimisiún, leagtar amach na hathchóirithe is gá chun imlonnú líonraí an lae amárach a spreagadh tuilleadh agus chun a áirithiú nach ligtear d'aon duine nó d'aon réigiún titim ar gcúl.

Tabharfaidh an togra spreagadh agus tacaíocht d'eintitis a bhfuil misean poiblí acu, amhail údarais phoiblí áitiúla, chun nascacht Wi-Fi saor in aisce a thairiscint in ionaid a thaithíonn an pobal (e.g. laistigh d'fhoirgnimh phoiblí agus timpeall orthu, in ionaid sláinte, i bpáirceanna agus i gcearnóga i mbailte).

1.4.2. Cuspóirí sonracha agus na gníomhaíochtaí ABM/ABB lena mbaineann

Cuspóirí sonracha

Leis an bpacáiste nua, tabharfar dreasachtaí airgid do thionscadail atá molta ag eintitis a bhfuil misean poiblí acu, amhail údarais phoiblí agus soláthraithe seirbhísí poiblí, chun lárphointí rochtana gan sreang a shuiteáil agus nascacht idirlín saor in aisce a chur ar fáil sna hionaid laistigh dá ndlínse a thaithíonn an pobal nó ar an suíomh ina gcuirtear seirbhís ar fáil (e.g. riaracháin phoiblí, leabharlanna, ionaid sláinte agus ionaid phoiblí amuigh faoin aer).

Mar aon le héileamh ar nascacht idirlín leathanbhanda ardluais a spreagadh agus an pobal a ghríosú chun úsáid a bhaint as an tseirbhís, beidh dea-thoradh de shaghsanna éagsúla ag an tionscnamh, cuir i gcás rochtain fheabhsaithe ar sheirbhísí digiteacha nuálacha agus tairbhí tosaigh na sochaí gigighiotán a chuirtear chun cinn sa straitéis nua a ghlac an Coimisiún Eorpach.

¹⁷ ABM: bainistiú de réir gníomhaíochtaí; ABB: buiséadú de réir gníomhaíochtaí.

¹⁸ Mar a thagairtear dó in Airteagal 54(2)(a) nó (b) den Rialachán Airgeadais

Gníomhaíochtaí ABM/ABB lena mbaineann

An tSaoráid um Chónascadh na hEorpa – Líonraí teileachumarsáide

1.4.3. *An toradh agus an tionchar a bhfuil súil leis*

Sonraigh an tionchar a bheadh ag an togra/tionscnamh ar na tairbhíthe/grúpaí ar a bhfuil sé dírithe.

Táthar ag súil go mbeidh an tionchar eacnamaíoch seo a leanas ag an tionscnamh:

D'fhéadfadh an scéim nascacht idirlín a chur ar fáil sna mílte ionad poiblí agus d'fhéadfadh idir 40 agus 50 milliún ceangal Wi-Fi in aghaidh an lae a bheith mar thoradh uirthi. Cuideoidh nascacht áitiúil den sórt sin le húdarais phoiblí agus le gnólachtaí áitiúla réimse níos leithne de sheirbhísí digiteacha áitiúla, d'fheidhmchláir agus de tháirgí a thairiscint dá bpobail féin agus do chuariteoirí, agus, dá bharr sin, iad féin a ionchorprú ar bhealach níos fearr sa Mhargadh Aonair Digiteach.

1.4.4. *Táscairí lena léireofar toradh agus tionchar*

Sonraigh na táscairí lena léireofar an faireachán ar chur chun feidhme an togra/tionscnaimh.

Is iad seo a leanas na príomhtháscairí faireacháin: a) an líon lárphointí rochtana a shuiteálfar; agus b) an líon ceangal a chruthófar i ngeall ar na lárphointí rochtana sin.

1.5. **Foras an togra/tionscnaimh**

1.5.1. *Na ceanglas is gá a chomhlíonadh sa ghearrthéarma nó san fhadtéarma*

Tá an tionscnamh laistigh den raon feidhme gníomhaíochta a bhaineann le réimse na líonraí teileachumarsáide tras-Eorpacha, arna shainiú in Airteagal 170 den Chonradh ar Fheidhmiú an Aontais Eorpaigh.

San am céanna, de bharr togra reachtach le haghaidh Cód nua maidir le Cumarsáid Leictreonach, ar nuachóiriú é ar an gcreat rialála le haghaidh seirbhísí cumarsáide leictreonaí atá ann faoi láthair, baintear go háirithe bacainní dlíthiúla atá roimh eintitis rochtain ar sheirbhísí Wi-Fi a imlonnú agus a roinnt san Eoraip, tráth a theastaigh ó roinnt pobal áitiúil nó ó roinnt eintiteas príobháideach rochtain ar sheirbhísí Wi-Fi a sholáthar agus a thairiscint don phobal.

I measc na n-aidhmeanna straitéiseacha atá ag an Aontas do 2025 (Teachtairacht maidir le nascacht idirlín le haghaidh Sochaí Eorpach Ghigighiotán) áirítear go mbeidh naisc ghigighiotán ag na príomhghníomhaithe socheacnamaíocha ar fad, amhail scoileanna, moil iompair agus príomhsholáthraithe seirbhísí poiblí¹⁹ mar aon le fiontair dhlúthdhigiteacha. Ar an ábhar sin, tá an tionscnamh lena gcuirtear chun cinn rochtain saor in aisce ar sheirbhísí Wi-Fi sna príomhionaid phoiblí, lena n-áirítear ionaid amuigh faoin aer ar a bhfuil rochtain ag an bpobal i gcoitinne, ina shampla nithiúil de scéim lena gcuirtear nascacht idirlín den sórt sin chun cinn trí bhíthin an bhonneagair dhigitigh is nua dá bhfuil ann.

1.5.2. *Luach breise a bhaineann le rannpháirteachas an Aontais Eorpaigh:*

Trí úsáid dearbhán, cuirtear an tionscnamh ar fáil ar bhealach an-éifeachtach, agus meallfar catagóirí nua de thionscnóirí tionscadail le bheith rannpháirteach sa tSaoráid um Chónascadh na hEorpa (údarais áitiúla bunús an ama). Trí líonra an Aontais Eorpaigh d'Oifigí Inniúlachta Leathanbhanda atá le bunú faoin bpacáiste nua teileachumarsáide spreagfar údarais áitiúla agus soláthraithe eile seirbhísí poiblí le bheith ar a ndícheall agus iad ag tabhairt faoin tionscnamh. Tríd is tríd, leis an tionscnamh ardófar feachtas maidir le tosaíochtaí nua an

¹⁹ Mar shamplaí, bunscoileanna agus iar-bhunscoileanna, stáisiúin traenach, calafoirt agus aerfoirt, foirgnimh údarás áitiúil, ollscoileanna, ionaid taighde, clinicí dochtúra, ospidéal agus staidiamáí.

Choimisiúin don tsochaí ghigighiotán ar gach leibhéal riaracháin agus, mar aon leis an aithint branda a ghabhann leis an tionscnamh, léireofar don phobal i gcoitinne gur féidir le daoine muinín a bheith acu as cumas an Aontais rochtain ar sheirbhísí digiteacha a sholáthar ar fud ilchríoch na hEorpa. Soláthrófar na lárphointí rochtana ar bhealach aonfhoirmeach agus beidh sé seo mar eiseamláir den dea-chleachtais d'eintitis ar spéis leo seirbhís Wi-Fi a imlonnú agus feidhmeoidh sé, mar sin, mar mhúnla nuálach a d'fhéadfaí a mhacasamhlú ar fud an Aontais.

1.5.3. *Ceachtanna a foghlaimíodh ó thaithí eile den sórt sin san am a chuaigh thart*

Le blianta beaga anuas, tá tionscadal den sórt seo lena gcuireann údaráis bhardasacha rochtain Wi-Fi saor in aisce ar fáil ag teacht ar an bhfód i mórchuid ceantar ar fud na hEorpa. Ar an ábhar sin, bunaithe ar an taithí a luaitear thuas, forbrófar an scém seo agus neartófar inmhasamhlaitheacht an mhúnla tríd an scém a chur ar fáil i mBallstáit uile an Aontais ag an am céanna.

1.5.4. *Comhoiriúnacht d'ionstraimí iomchuí eile agus sineirgíocht a d'fhéadfadh a bheith ann:*

Comhlánófar leis an tionscnamh soláthar céimneach líonraí digiteacha atá maoinithe ag na Cistí Eorpacha Struchtúracha agus Infheistíochta (Ciste Forbraíochta Réigiúnaí na hEorpa agus an Ciste Eorpach Talmhaíochta um Fhorbairt Tuaithe go háirithe) lena gcuirtear ar bun líonraí aisiompair agus lena dtugtar rochtain ar líonraí leathanbhanda i gceantair a bhfuil sé curtha in iúl ag oibreoirí teileachumarsáide fúthu nach spéis leo infheistíocht a dhéanamh iontu. Leis an tionscnamh, mar sin, tabharfar spreagadh breise d'údaráis áitiúla seirbhísí nascachta a sholáthar sa limistéar ar fad atá faoina ndlínse agus na áiteanna poiblí sin a nascadh le líonraí aisiompair an-ardtoille.

Leis an tionscnamh, déanfar forbairt seirbhísí digiteacha nuálacha agus feidhmchláir a chruthaítear go háitiúil a spreagadh freisin, ar seirbhísí agus feidhmchláir iad a chruthaíonn FBManá áitiúla go minic. Mar shampla, mar thoradh ar an digitiú a dhéantar ar ábhar áitiúil agus ar fhoinsí eile staire, d'fhéadfadh músaem nó ionad oidhreachtas lasmuigh aipeanna "réaltachta breisithe" a cheapadh chun cur le heispéireas an chualrteora. D'fhéadfaí aipeanna ríomhthurasóireachta a cheapadh freisin, rud a rachadh chun tairbhe do ghníomhaíochtaí bardais agus tráchtála go háitiúil. Leis an tionscnamh seo, mar sin, cuirfear bonn taca faoi bheartas fiontraíochta digiteach an Choimisiúin Eorpaigh.

1.6. **Fad agus tionchar airgeadais**

x Togra/tionscnamh a bheidh i bhfeidhm ar feadh **tréimhse theoranta**

– x Togra/tionscnamh a bheidh i bhfeidhm ó 2017 go 2020

– x Tionchar airgeadais ó 2017 go 2020

☐ Togra/tionscnamh a bheidh i bhfeidhm ar feadh **tréimhse neamhtheoranta**

– Cuirfear chun feidhme é le linn na tréimhse tosaigh ó XXX go XXX,

– agus cuirfear ag feidhmiú go hiomlán ina dhiaidh sin é.

1.7. **Modhanna bainistíochta atá beartaithe²⁰**

☐ Bainistíocht dhíreach a dhéanann an Coimisiún

²⁰

Is féidir mionsonraí ar na modhanna bainistíochta agus tagairtí don Rialachán Airgeadais a fheiceáil ar shuíomh gréasáin Ard-Stiúrthóireacht an Bhuiséid:

<https://myintracomm.ec.europa.eu/budgweb/EN/man/budgmanag/Pages/budgmanag.aspx>

- ☐ ina ranna, lena n-áirítear an chuid sin den fhoireann atá i dtoscaireachtaí an Aontais;
- x trí na gníomhaireachtaí feidhmiúcháin
- ☐ Bainistíocht atá comhroinnte leis na Ballstáit
- ☐ Bainistíocht indíreach trí chúraimí a bhaineann le cur chun feidhme an bhuiséid a shannadh dóibh seo a leanas:
 - ☐ tríú tíortha nó na comhlachtaí a d'ainmnigh siad;
 - ☐ eagraíochtaí idirnáisiúnta agus a ngníomhaireachtaí (tabhair sonraí);
 - ☐ an BEI agus an Ciste Eorpach Infheistíochta;
 - ☐ comhlachtaí dá dtagraítear in Airteagal 208 agus Airteagal 209 den Rialachán Airgeadais;
 - ☐ comhlachtaí dlí poiblí;
 - ☐ comhlachtaí arna rialú ag an dlí príobháideach agus a bhfuil misean seirbhíse poiblí acu sa mhéid go gcuireann siad ráthaíochtaí leordhóthanacha airgeadais ar fáil;
 - ☐ comhlachtaí arna rialú ag dlí príobháideach Ballstáit, a gcuirtear de chúram orthu comhpháirtíochtaí príobháideacha poiblí a chur chun feidhme, agus a sholáthraíonn ráthaíochtaí leordhóthanacha airgeadais;
 - ☐ daoine a gcuirtear de chúram orthu bearta sonracha a chur chun feidhme i CBES de bhun Theideal V de CAE, ar daoine iad a aithnítear sa bhunghníomh ábhartha.
 - *I gcás ina sonraítear níos mó ná modh bainistíochta amháin, tabhair sonraí sa roinn “Nótaí” le do thoil.*

Nótaí tráchta

2. BEARTA BAINISTÍOCHTA

2.1. Rialacha faireacháin agus tuairiscithe

Sonraigh minicíocht na mbeart agus na coinníollacha atá leo

Cuirfear córas faireacháin ar bun d'fhonn a áirithiú go gcuirfear an tionscnamh seo chun feidhme go tapa agus go mbainfear amach torthaí láithreach. Cuirfear chun feidhme é trí uirlisí ar líne a úsáid go príomha agus trí iniúchadh samplach a dhéanamh ar shuiteálacha ar leibhéal na lárphointí rochtana áitiúla gan sreang.

2.2. Córas bainistíochta agus rialaithe

2.2.1. Na rioscaí a aithníodh.

Riosca cur chun feidhme: i ngeall ar chineál neamh-mhaorlathach na scéime dearbhán, tógfar ar an taithí a bhaineann le tionscnaimh chomhchosúla (e.g. nuálaíocht Theicneolaíocht na Faisnéise agus na Cumarsáide le haghaidh Fiontair Bheaga agus Mheánmhéide, nascacht satailíte) ar an leibhéal réigiúnach agus ar an leibhéal náisiúnta ach déanfar an scéim a mhéadú ar leibhéal an Aontais.

Riosca maidir le glacadh deise: toisc gur bunaithe ar an mbonn “tús freastail a thabhairt don cheann is luaithe” atá an tionscnamh, tá an riosca ann go mbeidh glacadh neamhchothrom ó áit go chéile. Tá an Coimisiún meáite, áfach, ar an tionchar a imreofar a bheith cothrom ó thaobh geografaíochta de agus riachtanais shonracha na mBallstát agus na réigiún nach bhfuil chomh mór céanna, nó a bhfuil a ngeilleagar tite ar gcúl, a chur san áireamh.

Riosca maidir le slándáil sonraí agus cosaint sonraí: leis an scéim, áiríteofar cosaint iomlán ar shonraí pearsanta mar aon le leibhéal leordhóthanach fíordheimhniúcháin chun soláimhsitheacht an naisc ar leibhéal an lárphointe rochtana a áirithiú.

Riosca maidir le clú: déanfar caighdeán na seirbhíse a áirithiú trí thiomantas na dtairbhíthe do nascacht idirlín leathanbhanda an-ardluais a chur ar bun lena bhféadtar seirbhís ardchaighdeán idirlín a chur ar fáil d'úsáideoirí agus déanfar faireachán ar an tseirbhís go tráthrialta.

2.2.2. #Faisnéis maidir leis an gcóras rialaithe inmheánaigh atá i bhfeidhm

Déanfaidh na comhaontuithe agus na cinntí le haghaidh chur chun feidhme na ngníomhaíochtaí faoin tSaoráid um Chónascadh na hEorpa foráil maidir le maoirsiú agus rialú airgeadais ag an gCoimisiún, nó ionadaí eile ar bith atá údaraithe ag an gCoimisiún, chomh maith le hiniúcháireachtaí ag an gCúirt Iniúcháirí agus spotseiceáil a dhéanann an Oifig Eorpach Frith-Chalaoise (OLAF), i gcomhréir leis na nósanna imeachta atá leagtha síos i Rialachán (Euratom, CE) Uimh. 2185/96 ón gComhairle an 11 Samhain 1996, maidir le spotseiceáil agus cigireacht a dhéanann an Coimisiún d'fhonn leas airgeadais na gComhphobal Eorpach a chosaint in aghaidh calaoise agus neamhrialtachtaí eile agus Rialachán (CE) Uimh. 1073/1999 ó Pharlaimint na hEorpa agus ón gComhairle an 25 Bealtaine 1999, maidir le himscrúduithe a dhéanann OLAF.

2.2.3. Meastachán ar chostais agus ar shochair na rialuithe agus measúnú ar an leibhéal riosca earráide a bhfuiltear ag súil leis

Achoimre ar na rialuithe	Méid in EUR milliúin	Líon na dtairbhíthe: idirbhearta (% den iomlán)	Doimhne an rialaithe * (measúnú 1-4)	Cumhdach (% den luach)
--------------------------	----------------------	--	--------------------------------------	-------------------------

Bainistíocht na ngníomhaíochtaí ó mheastóireacht go hiniúcháireachtaí <i>ex-post</i>	0.060	1) faireachán foriomlán na dtionscadal uile: 100 %	1	100 %
		2) iniúchadh na dtionscadal roghnaithe: 5 %	4	10 %

2.3. Bearta chun calaois agus neamhrialtachtaí a chosc

Sonraigh bearta coisctheacha agus cosanta atá ann cheana nó atá beartaithe.

Nuair a chuirfear gníomhaíochtaí atá maoinithe faoin Rialachán seo chun feidhme, áiríteoidh an Coimisiún go gcosnófar leasanna airgeadais an Aontais trí bhearta coisctheacha a chur i bhfeidhm i gcoinne calaoise, éillithe, agus aon ghníomhaíocht neamhdhlíthiúil eile, trí sheiceálacha éifeachtúla a dhéanamh agus trí shuimeanna a íocadh go míchuí a fháil ar ais, agus, má bhraitear neamhrialtachtaí, trí phionóis éifeachtúla chomhréireacha agus athchomhairleacha a chur i bhfeidhm, i gcomhréir le Rialacháin (CE, Euratom) Uimh. 2988/95 agus (CE, Euratom) Uimh. 2185/96 ón gComhairle, agus le Rialachán (CE) Uimh. 1073/1999 ó Pharlaimint na hEorpa agus ón gComhairle.

Ar mhúnlaí caighdeánacha a bheidh na conarthaí bunaithe, ina leagfar amach na bearta frithchalaoise is gnách a bheith infheidhme.

3. AN TIONCHAR AIRGEADAIS A MHEASTAR A BHEIDH AG AN TOGRA/TIONSCNAMH

3.1. Ceannteidil an chreata airgeadais ilbhliantúil agus na línte buiséid ar a n-imrítear tionchar

- Línte nua buiséid atá á n-iarraidh

In ord cheannteidil agus línte buiséid an chreata airgeadais ilbhliantúil.

Ceannteidil an chreata airgeadais ilbhliantúil	Líne buiséid	Saghascaiteachais	Ranníocaíocht			
	1a Cumas iomaíochta i ndáil le fás agus poist		ó thíortha CSTE	ó thíortha is iarrthóirí	ó thríú tíortha	de réir bhrí Airteagal 21(2)(b) den Rialachán Airgeadais
	09.03.04 Nascacht idirlín gan Sreang don Aontas Eorpach (W4EU)	Difreáilt e	TÁ	NÍL	NÍL	NÍL

3.2. An tionchar a mheastar a bheidh ag an togra/tionscnamh ar chaiteachas

[Ba cheart an [scarbhileog ar shonraí buiséid de chineál riaracháin](#) a úsáid leis an gcuid seo a líonadh isteach (an dara doiciméad san iarscríbhinn a ghabhann leis an ráiteas airgeadais seo) agus í a uaslódáil chuig DECIDE chun críocha comhairliúcháin idirsheirbhíse.]

3.2.1. Achoimre ar an tionchar a mheastar a bheidh ar chaiteachais

EUR milliúin (go dtí an tríú deachúil)

Ceannteideal an chreata airgeadais ilbhliantúil:	1a	Cumas iomaíochta i ndáil le fás agus poist
---	----	--

Leithreasuithe faoi chomhair oibríochtaí a mbeidh gá leo don togra seo, tá siad le maoiniú go hiomlán laistigh den Chreat Ilbhliantúil Airgeadais 2014-2020. Mar a chuirtear in iúl thíos, tá EUR 70 milliún le hathdháileadh laistigh de na méideanna atá beartaithe don chuid teileachumarsáide den tSaoráid um Chónascadh na hEorpa i rith 2017-2020 agus déanfar EUR 50 milliún a mhaoiniú trí úsáid a bhaint as an gCorrlach gan leithdháileadh.

Foinsí maoinithe le haghaidh an tionscnaimh	2017	2018	2019	2020	Iomlán
09 03 02 Timpeallacht a chruthú a chothódh infheistíocht phríobháideach i dtionscadail bonneagar teileachumarsáide – leathanbhanda faoin tSaoráid um Chónascadh na hEorpa	19,422	19,967			39,389
09 03 03 Idir-inoibritheacht, úsáid inbhuanaithe, oibriú agus uasghrádú bhonneagar tras-Eorpach na seirbhísí digiteacha a chur chun cinn, chomh maith le comhordú ar an leibhéal Eorpach	0,578			0,350	0,928
09 04 02 01 Ceannaireacht sa teicneolaíocht faisnéise agus cumarsáide (CTFC)		30,033 ²¹			30,033
Ceannteideal 1a corrlach gan leithdháileadh			49,650		49,650

²¹

Cuirfeadh an méid seo ar ais ón tSaoráid um Chónascadh na hEorpa Bonneagar Seirbhísí Digiteacha (09.0303) chuig H2020 in 2019-2020

IOMLÁN	20,000	50,000	49,650	0,350	120,000
---------------	---------------	---------------	---------------	--------------	----------------

Ard-Stiúrtóireacht: CNECT / MOVE			2017	2018	2019	2020	IOMLÁN
Leithreasuithe faoi chomhair oibríochtaí EUR milliúin							
09.03.04 Nascacht idirlín gan Sreang don Aontas Eorpach (W4EU)	Gealltanais	(1)	19,330	49,610	49,260		118,200
	Íocaíochtaí	(2)	0	44,135	49,435	24,630	118,200
Leithreasuithe de chineál riaracháin arna maoiniú ó chlúdach clár sonrach ²²							
06 01 06 01 An Ghníomhaireacht Feidhmiúcháin um Nuálaíocht agus Gréasáin – ranníocaíocht ón tSaoráid um Chónascadh na hEorpa	Gealltanais		0,580	0,365	0,365	0,290	1,600
	Íocaíochtaí		0,580	0,365	0,365	0,290	1,600
09 01 04 01 Caiteachas Tacaíochta don tSaoráid um Chónascadh na hEorpa	Gealltanais		0,090	0,025	0,025	0,060	0,200
	Íocaíochtaí		0,090	0,025	0,025	0,060	0,200
IOMLÁN leithreasuithe i gcomhair AS CONNECT/MOVE	Gealltanais	=1+1a +3	20,000	50,000	49,650	0,350	120,000
	Íocaíochtaí	=2+2a +3	0,670	44,525	49,825	24,980	120,000

²² Cúnamh agus caiteachas teicniúil agus/nó riaracháin ar mhaithe le cláir agus/nó gníomhaíochta de chuid an Aontais (na seanlínte “BA”) a chur chun feidhme, taighde indéach, taighde díreach.

Ceannteideal an chreata airgeadais ilbhliantúil:	5	“Caiteachas riaracháin”
---	----------	-------------------------

EUR milliúin (go dtí an tríú deachúil)

		2017	2018	2019	2020	IOMLÁN
Ard-Stiúrthóireacht: <CONNECT						
• Acmhainní daonna		0,204	0,204	0,204	0,204	0,816
• Caiteachas riaracháin eile		0,020	0,020	0,010	0,010	0,060
IOMLÁN AS CONNECT	Leithreasuithe	0,224	0,224	0,214	0,214	0,876

X

IOMLÁN leithreasuithe faoi CHEANNTEIDEAL 5 den chreat airgeadais ilbhliantúil	(Iomlán gealltanais = Iomlán íocaíochtaí)	0,224	0,224	0,214	0,214	0,876
--	---	--------------	--------------	--------------	--------------	--------------

EUR milliúin (go dtí an tríú deachúil)

		2017	2018	2019	2020	IOMLÁN
IOMLÁN leithreasuithe faoi CHEANNTEIDIL 1 go 5 den chreat airgeadais ilbhliantúil	Gealltanais	20,224	50,224	49,864	0,564	120,876
	Íocaíochtaí	0,894	44,749	50,039	25,194	120,876

3.2.2. *An tionchar a mheastar a bheidh ar leithreasuithe faoi chomhair oibríochtaí*

- ☐ Ní éilíonn an togra/tionscnamh go n-úsáidfear leithreasuithe faoi chomhair oibríochtaí
- x Éilíonn an togra/tionscnamh go n-úsáidfear leithreasuithe faoi chomhair oibríochtaí mar a mhínítear thíos:

Leithreasuithe faoi chomhair gealltanais in EUR milliúin (go dtí an tríú deachúil)

Sonraigh cuspóirí agus aschuir ↓			2017		2018		2019		2020		IOMLÁN	
	ASCHUIR											
	Sagha s ²³	Meánchostas	Líon	Costas	Líon	Costas	Líon	Costas	Líon	Costas	Líon iomlán	Costas iomlán
CUSPÓIR SONRACH												
Lárphointí rochtana			967	0,02	2,480	0,02	2,463	0,02			5,910	118,200
COSTAS IOMLÁN			967	19,330	2,480	49,610	2,463	49,260			5,910	118,200

²³

Is éard atá in aschuir táirgí agus seirbhísí atá le soláthar (e.g.: líon na malartuithe mac léinn a fhaigheann maoiniú, iomlán km de bhóithre a rinneadh, etc.).

3.2.3. An tionchar a mheastar a bheidh ar leithreasuithe de chineál riaracháin

3.2.3.1. Achoimre

- ☐ Ní éilíonn an togra/tionscnamh go n-úsáidfear leithreasuithe de chineál riaracháin
- ☒ Éilíonn an togra/tionscnamh go n-úsáidfear leithreasuithe de chineál riaracháin mar a mhínítear thíos:

EUR milliúin (go dtí an tríú deachúil)

	2017	2018	2019	2020	IOMLÁN
--	------	------	------	------	--------

CEANNTÉIDEAL 5 den chreat airgeadais ilbhliantúil					
Acmhainní daonna	0,204	0,204	0,204	0,204	0,816
Caiteachas riaracháin eile	0,020	0,020	0,010	0,010	0,060
Fo-iomlán CEANNTÉIDEAL 5 den chreat airgeadais ilbhliantúil	0,224	0,224	0,214	0,214	0,876

lasmuigh de CEANNTÉIDEAL 5²⁴ den chreat airgeadais ilbhliantúil					
Acmhainní daonna					
Caiteachas eile de chineál riaracháin	0,090	0,025	0,025	0,060	0,200
Fo-iomlán lasmuigh de CEANNTÉIDEAL 5 den chreat airgeadais ilbhliantúil	0,090	0,025	0,025	0,060	0,200

IOMLÁN	0,314	0,249	0,239	0,274	1,076
---------------	--------------	--------------	--------------	--------------	--------------

Comhlíonfar na leithreasuithe is gá maidir leis na hacmhainní daonna agus caiteachas eile de chineál riaracháin le leithreasuithe ón Ard-Stiúrthóireacht a bhfuil bainistiú an bhirt faoina cúram cheana agus/nó atá ath-implonaithe laistigh den Ard-Stiúrthóireacht, mar aon le haon leithdháileadh breise, más gá, a d'fhéadfaí a thabhairt don Ard-Stiúrthóireacht atá i mbun bainistíochta faoi chuimsiú an nós imeachta maidir le leithdháileadh bliantúil i bhfianaise srianta buiséadacha.

²⁴ Cúnamh agus caiteachas teicniúil agus/nó riaracháin ar mhaithe le cláir agus/nó gníomhaíochta de chuid an Aontais (na seanlínte “BA”) a chur chun feidhme, taighde indíreach, taighde díreach.

3.2.3.2. Na hacmhainní daonna a mheastar a bheidh riachtanach

- ☐ Ní éilíonn an togra/tionscnamh go n-úsáidfear acmhainní daonna
- ☒ Éilíonn an togra/tionscnamh go n-úsáidfear acmhainní daonna mar a mhínítear thíos:

Sloinnfear an meastachán in aonaid de choibhéis lánaimseartha

	2017	2018	2019	2020
• Poist don phlean bunaíochta (oifigigh agus foireann shealadach)				
09 01 01 01 (Ceanncheathrú agus Oifigí Ionadaíocht an Choimisiúin)	1,0	1,0	1,0	1,0
XX 01 01 02 (Toscaireachtaí)				
XX 01 05 01 (Taighde indíreach)				
10 01 05 01 (Taighde díreach)				
• Foireann sheachtrach (i gcoibhéis lánaimseartha: FTE)²⁵				
09 01 02 01 (AC, END, INT ón “gclúdach iomlánaíoch”)	1,0	1,0	1,0	1,0
XX 01 02 02 (AC, AL, END, INT agus JED sna toscaireachtaí)				
XX 01 04 bb²⁶	– sa cheanncheathrú			
	– i dtoscaireachtaí			
XX 01 05 02 (AC, END, INT – taighde indíreach)				
10 01 05 02 (AC, END, INT – taighde díreach)				
Línte buiséid eile (sonraigh)				
IOMLÁN	2,0	2,0	2,0	2,0

Is é 09 an réimse beartais nó an teideal buiséid lena mbaineann.

Soláthrófar na hacmhainní daonna is gá le baill foirne ón Ard-Stiúrthóireacht a bhfuil bainistíocht an bhirt faoina gcúram cheana agus/nó atá ath-imlonnaithe laistigh den Ard-Stiúrthóireacht, mar aon le haon leithdháileadh breise, más gá, a d’fhéadfaí a thabhairt don Ard-Stiúrthóireacht atá i mbun bainistíochta faoi chuimsiú an nós imeachta maidir le leithdháileadh bliantúil i bhfianaise na srianta buiséid.

Cur síos ar na cúraimí a bheidh le déanamh:

Oifigigh agus pearsanra sealadach	
Pearsanra seachtrach	

3.2.4. Comhoiriúnacht don chreat airgeadais ilbhliantúil reatha

- ☒ Tá an togra/tionscnamh comhoiriúnach don chreat airgeadais ilbhliantúil reatha.
- ☐ Beidh athchlárú an cheannteidil ábhartha sa chreat airgeadais ilbhliantúil ag gabháil leis an togra/tionscnamh seo.

Mínigh an cineál athchláraithe a bhfuil gá leis, agus sonraigh na línte buiséid lena mbaineann agus na méideanna comhfhreagracha.

²⁵ AC = Ball foirne ar conradh; AL = Ball foirne áitiúil; END = Saineolaí náisiúnta ar iasacht; INT = Ball foirne gníomhaireachta; JED = Saineolaí sóisearach i dtoscaireacht.

²⁶ Fo-uasteorainn d’fhoireann sheachtrach arna cumhdach ag leithreasuithe faoi chomhair oibriochtaí (na seanlínte “BA”).

- ☐ Éilíonn an togra/tionscnamh go gcuirfear an ionstraim sholúbthachta i bhfeidhm nó go ndéanfar athbhreithniú ar an gcreat airgeadais ilbhliantúil.

Mínigh an méid a bhfuil gá leis, agus sonraigh na ceannteidil agus na línte buiséid lena mbaineann agus na méideanna comhfhreagracha.

3.2.5. *Ranníocaíochtaí ó thríú páirtithe*

- Ní dhéantar foráil sa togra/tionscnamh maidir le cómhaoiniú le tríú páirtithe.

3.3. **An tionchar a mheastar a bheidh ar ioncam**

- X Ní bheidh tionchar airgeadais ar bith ag an togra/tionscnamh ar ioncam.

IARSCRÍBHINN a ghabhann leis an RÁITEAS AIRGEADAIS **REACTACH**

Ainm an togra/tionscnaimh:

Togra le haghaidh Rialachán lena leasaítear Rialachán (AE) Uimh. 1316/2013 agus Rialachán (AE) Uimh. 283/2014 maidir le nascacht idirlín a chur chun cinn i bpobail áitiúla

4. **LÍON AGUS COSTAS NA NACMHAINNÍ DAONNA A MHEASTAR A BHEIDH RIACHTANACH**
5. **COSTAS AR CHAITEACHAS RIARACHÁIN EILE**
6. **MODHANNA RÍOFA ARNA N-ÚSÁID CHUN COSTAIS A MHEAS**
 - 6.1. **Acmhainní daonna**
 - 6.2. **Caiteachas riaracháin eile**

Ní mór an iarscríbhinn seo a bheith ag gabháil leis an ráiteas airgeadais reachtach nuair a sheolfar an comhairliúchán idirsheirbhísí.

Tá na táblaí sonraí á n-úsáid mar fhoinsé do na táblaí sa ráiteas airgeadais reachtach. Is le haghaidh úsáide inmheánaí laistigh den Choimisiún amháin iad.

7. **COSTAS NA N-ACMHAINNÍ DAONNA A MHEASTAR A BHEIDH RIACHTANACH**

☐ Ní éilíonn an togra/tionscnamh go n-úsáidfear acmhainní daonna

☒ Éilíonn an togra/tionscnamh go n-úsáidfear acmhainní daonna mar a mhínítear thíos:

EUR milliúin (go dtí an tríú deachúil)

CEANNTIDEAL 5 den chreat airgeadais ilbhliantúil		2017		2018		2019		2020		...cuir isteach an méid blianta agus is gá chun fad an tionchair a léiriú (féach pointe 1.6)		IOMLÁN	
		FTE	Leithreasuithe	FTE	Leithreasuithe	FTE	Leithreasuithe	FTE	Leithreasuithe	FTE	Leithreasuithe	FTE	Leithreasuithe
• Poist don phlean bunaíochta (oifigigh agus foireann shealadach)													
09 01 01 01 (Ceanncheathrú agus Oifigí Ionadaíocht an Choimisiúin)	AD	1	0.134	1	0.134	1	0.134	1	0.134			1	0.536
	AST												
XX 01 01 02 (i dToscaireachtaí an Aontais)	AD												
	AST												
• Pearsanra seachtrach ²⁷													
09 01 02 01 ("clúdach iomlánaíoch")	AC	1	0.070	1	0.070	1	0.070	1	0.070			1	0.280
	END												
	INT												
XX 01 02 02 (i dToscaireachtaí an Aontais)	AC												
	AL												

²⁷ AC = Ball foirne ar conradh; AL = Ball foirne áitiúil; END = Saineolaí náisiúnta ar iasacht; INT = Ball foirne gníomhaireachta; JED = Saineolaí sóisearach i dtoscaireachtaí.

	END												
	INT												
	JED												
Línte buiséid eile (<i>sonraigh</i>)													
Fo-iomlán – CEANNTIDEAL 5 den chreat airgeadais ilbhliantúil		2	0.204	2	0.204	2	0.204	2	0.204			2	0.816

Is é **XX** an réimse beartais nó an teideal buiséid lena mbaineann.

Soláthrófar na hacmhainní daonna is gá le baill foirne ón Ard-Stiúrthóireacht a bhfuil bainistíocht an bhirt faoina gcúram cheana agus/nó atá ath-implonaithe laistigh den Ard-Stiúrthóireacht, mar aon le haon leithdháileadh breise, más gá, a d'fhéadfaí a thabhairt don Ard-Stiúrthóireacht atá i mbun bainistíochta faoi chuimsiú an nós imeachta maidir le leithdháileadh bliantúil i bhfianaise na srianta buiséadacha.

Lasmuigh de CHEANNTIDEAL 5 den chreat airgeadais ilbhliantúil		2017		2018		2019		2020		...cuir isteach an méid blianta agus is gá chun fad an tionchair a léiriú (féach pointe 1.6)		IOMLÁN	
		FTE	Leithreasuithe	FTE	Leithreasuithe	FTE	Leithreasuithe	FTE	Leithreasuithe	FTE	Leithreasuithe	FTE	Leithreasuithe
• Poist don phlean bunaíochta (oifigigh agus foireann shealadach)													
10 01 05 02 (Taighde díreach)	AD												
	AST												
XX 01 05 01 (Taighde indíreach)	AD												
	AST												
• Pearsanra seachtrach ²⁸													
09 01 04 01 Fo-uasteorainn d'fhoireann sheachtrach ó leithreasuithe faoi chomhair oibríochtaí (na seanlínte "BA").	– sa cheanncheathrú	AC											
		END											
		INT											
	– i dtoscaireachtaí an Aontais	AC											
		AL											
		END											
		INT											
		JED											
	XX 01 05 02 (Taighde indíreach)	AC											

²⁸

AC = Ball foirne ar conradh; AL = Ball foirne áitiúil; END = Saineolaí náisiúnta ar iasacht; INT = Ball foirne gníomhaireachta; JED = Saineolaí sóisearach i dtoscaireachtaí.

	END												
	INT												
10 01 05 02 (Taighde díreach)	AC												
	END												
	INT												
Línte buiséid eile (<i>sonraigh</i>)													
Fo-iomlán – Lasmuigh de CHEANNTEIDEAL 5 den chreat airgeadais ilbhliantúil													
Is é 09 an réimse beartais nó an teideal buiséid lena mbaineann. IOMLÁN													

Soláthrófar na hacmhainní daonna is gá le baill foirne ón Ard-Stiúrthóireacht a bhfuil bainistíocht na gníomhaíochta faoina cúram cheana agus/nó atá ath-implonaithe laistigh den Ard-Stiúrthóireacht, mar aon le haon leithdháileadh breise, más gá, a d'fhéadfaí a thabhairt don Ard-Stiúrthóireacht atá i mbun bainistíochta faoi chuimsiú an nós imeachta maidir le leithdháileadh bliantúil i bhfianaise na srianta buiséadacha.

8. COSTAS AR CHAITEACHAS RIARACHÁIN EILE

- ☐ Ní éilíonn an togra/tionscnamh go n-úsáidfear leithreasuithe de chineál riaracháin
☒ Éilíonn an togra/tionscnamh go n-úsáidfear leithreasuithe faoi chomhair oibríochtaí mar a mhínítear thíos:

EUR milliúin (go dtí an tríú deachúil)

	2017	2018	2019	2020	...cuir isteach an méid blianta agus is gá chun fad an tionchair a léiriú (féach pointe 1.6)			IOMLÁN
CEANNTIDEAL 5 den chreat airgeadais ilbhliantúil								
<u>Sa cheanncheathrú:</u>								
09 01 02 11 01 – Costais misin agus ionadaíochta	0.020	0.020	0.010	0.010				0.060
09 01 02 11 02 – Costais chomhdhála agus cruinnithe								
09 01 02 11 03 – Coistí ²⁹								
09 01 02 11 04 – Staidéir agus comhairliúcháin								
09 01 02 11 05 – Córais faisnéise agus bainistíochta								
XX 01 03 01 – Trealamh agus seirbhísí TFC ³⁰								
Línte buiséid eile (sonraigh más gá)								
<u>I dtoscaireachtaí an Aontais</u>								
XX 01 02 12 01 – Misin, comhdhálacha agus costais ionadaíochta								

²⁹ Sonraigh an saghas coiste agus an grúpa lena mbaineann sé.

³⁰ TFC: Teicneolaíochtaí na Faisnéise agus na Cumarsáide Ní mór dul i gcomhairle le hArd-Stiúrthóireacht na Faisnéisíochta.

XX 01 02 12 02 – Breis oiliúna foirne								
XX 01 03 02 01 – Éadáil, cíos agus caiteachas gaolmhar								
XX 01 03 02 02 – Trealamh, troscán, soláthairtí agus seirbhísí								
Fo-iomlán CHEANTEIDEAL 5 den chreat airgeadais ilbhliantúil	0.020	0.020	0.010	0.010				0.060

Is é 09 an réimse beartais nó an teideal buiséid lena mbaineann.

EUR milliúin (go dtí an tríú deachúil)

	2017	2018	2019	2020	...cuir isteach an méid blianta agus is gá chun fad an tionchair a léiriú (féach pointe 1.6)	IOMLÁN
--	------	------	------	------	--	--------

Lasmuigh de CHEANNTIDEAL 5 den chreat airgeadais ilbhliantúil								
09 01 04 01 – Caiteachas ar chúnamh teicniúil agus riaracháin (gan foireann sheachtrach a áireamh) ó leithreasuithe faoi chomhair oibríochtaí (na seanlínte “BA”)	0.090	0.025	0.025	0.060				0.200
– sa cheanncheathrú:								
– i dtoscaireachtaí an Aontais								
XX 01 05 03 – Caiteachas bainistíochta eile le haghaidh taighde indírich								
10 01 05 03 – Caiteachas bainistíochta eile le haghaidh taighde dhírich								
Línte buiséid eile (sonraigh más gá)								
Fo-iomlán – Lasmuigh de CHEANNTIDEAL 5 den chreat airgeadais ilbhliantúil	0.090	0.025	0.025	0.060				0.200

Is é **XX** an réimse beartais nó an teideal buiséid lena mbaineann.

IOMLÁN CHEANNTÉIDEAL 5 agus Lasmuigh de CHEANNTÉIDEAL 5 den chreat airgeadais ilbhliantúil	0.314	0.249	0.239	0.274				1.076
--	-------	-------	-------	-------	--	--	--	-------

Comhlíonfar na leithreasuithe riaracháin arna n-éileamh trí na leithreasuithe atá sannta cheana féin do bhainistíocht na gníomhaíochta agus/nó atá ath-imlonnaithe, mar aon le haon leithdháileadh breise, más gá, a d'fhéadfaí a thabhairt don Ard-Stiúrthóireacht atá i mbun bainistíochta faoi chuimsiú an nós imeachta maidir le leithdháileadh bliantúil agus i bhfianaise na srianta buiséadacha a bheidh i bhfeidhm.

9. MODHANNA RÍOFA ARNA N-ÚSÁID CHUN COSTAIS A MHEAS

9.1. Acmhainní daonna

Leagtar amach sa chuid seo an modh ríofa a úsáidtear chun meastachán a dhéanamh ar na hacmhainní daonna a mheastar a bheith riachtanach (toimhdí faoin ualach oibre, lena n-áirítear poist ar leith (próifílí oibre Sysper 2), catagóirí foirne agus na meánchostais chomhfhreagracha)

CEANNTIDEAL 5 den chreat airgeadais ilbhliantúil
NB: Tá na meánchostais le haghaidh gach catagóire foirne sa Cheanncheathrú le fáil ar shuíomh gréasáin Ard-Stiúrthóireacht an Bhuiséid: https://myintracomm.ec.europa.eu/budgweb/EN/pre/legalbasis/Pages/pre-040-020_preparation.aspx
• Oifigigh agus pearsanra sealadach Meánchostas Ard-Stiúrthóireacht an Bhuiséid in úsáid
• Pearsanra seachtrach Meánchostas Ard-Stiúrthóireacht an Bhuiséid in úsáid

Lasmuigh de CHEANNTIDEAL 5 den chreat airgeadais ilbhliantúil
• Poist arna maoiniú ón mbuiséad taighde amháin
• Pearsanra seachtrach

9.2. Caiteachas riaracháin eile

Tabhair sonraí maidir leis an modh ríofa arna úsáid i ngach líne buiséid agus go háirithe na toimhdí bunúsacha (e.g. líon cruinnithe sa bhliain, meánchostais, etc.)

CEANNTIDEAL 5 den chreat airgeadais ilbhliantúil
Cuairt amháin in aghaidh gach Ballstáit le linn an chéad 2 bhliain (meánchostas +/-715€) Ní bheidh an obair leantach a ghabhann leis seo chomh dian céanna sa 2 bhliain deiridh.

Lasmuigh de CHEANNTIDEAL 5 den chreat airgeadais ilbhliantúil

Forbairt TF in 2017 agus cothabháil ina dhiaidh sin

Costais an mheasúnaithe ag deireadh na tréimhse cur chun feidhme